

ՀԱՇՎԵՏՎՈՒԹՅՈՒՆ

ՀՀ արդարադատության նախարար Գրիգոր Մինասյանի՝ Ֆրանսիա (Ստրասբուրգ) գործուղման արդյունքների վերաբերյալ

Անունը, ազգանունը, զբաղեցրած պաշտոնը՝ Գրիգոր Մինասյան, ՀՀ արդարադատության նախարար:

Գործուղման վայրը և ժամկետները՝ Ֆրանսիա (Ստրասբուրգ), 2023թ. հունիսի 11-ից 14-ը:

Հրավիրող կողմը՝ Եվրոպայի խորհուրդ:

Գործուղման նպատակը՝ հանդիպումներ ունենալ Ֆրանսիայի Հանրապետությունում (Ստրասբուրգ) Եվրոպայի խորհրդի բարձրաստիճան պաշտոնատար անձանց հետ:

Քննարկված թեմաները՝ Մարդու իրավունքների պաշտպանության, ժողովրդավարության, օրենքի գերակայության ոլորտներում կանանց նկատմամբ բռնության և իրավահավասարության ամրապնդման, դատական և իրավական բարեփոխումների, քրեական արդարադատության բարեփոխումների, կոռուպցիայի դեմ պայքարի և դրա կանխարգելման ուղղություններով հարցեր:

Հանդիպումները, ելույթները, բարձրացված կամ քննարկված հարցերը՝

➤ Նախարար Մինասյանը Ստրասբուրգ կատարած պաշտոնական այցի շրջանակներում հանդիպում է ունեցել ՄԻԵԴ նախագահի հետ:

Եվրոպայի խորհրդի բարձրաստիճան պաշտոնատար անձանց հետ քննարկվել է ՀՀ-ԵԽ համագործակցության շրջանակներում Արդարադատության նախարարության բարեփոխումային օրակարգը, մասնավորապես՝ մարդու իրավունքների պաշտպանության, ժողովրդավարության, օրենքի գերակայության ոլորտներում գրանցած համատեղ ձեռքբերումները և համագործակցության հեռանկարները:

Քննարկվել են նաև դատաիրավական համակարգում մարդու իրավունքների պաշտպանության ոլորտում Հայաստանի Հանրապետության ստանձնած միջազգային պարտավորությունների խախտման հիմքով կարգապահական վարույթներ հարուցելու և կատարողական վարույթների վերաբերյալ դատարանի որոշումները:

Նախարարը ներկայացրել է նախարարության կողմից մշակվող նոր «Կատարողական վարույթի մասին» օրենքի նախագիծը, որով ՄԻԵԴ կողմից վերհանված գրեթե բոլոր խնդիրներն իրենց լուծումն են գտել:

Քննարկել են նաև Եվրոպայի խորհրդի Նախարարների կոմիտեի ՄԻԵԴ վճիռների կատարումը վերահսկելու առկա մեխանիզմները:

- Արդարադատության նախարար Գրիգոր Մինասյանը Ստրասբուրգ կատարած այցի շրջանակում հանդիպել է «Ժողովրդավարություն՝ իրավունքի միջոցով եվրոպական հանձնաժողովի (Վենետիկի հանձնաժողով)» նախագահ Կլեր Բագի Մալորիի և Վենետիկի հանձնաժողովի քարտուղար Սիմոնա Գրանատա-Մենգինիի հետ:
- Վերջիններիս հետ քննարկվել են Վենետիկի հանձնաժողովի աշխատանքը և նրա ներդրումը Հայաստանում ընթացող դատաիրավական և սահմանադրական բարեփոխումներին: Նախարարը հատուկ անդրադարձ է կատարել Հանձնաժողովի գործունե աջակցությամբ վերջին տարիներին Հայաստանի համար անկյունաքարային հանդիսացող իրավակիրառ հարցերի լուծումներին՝ կապված Սահմանադրական դատարանի նոր մոդելի իրագործման, դատավորների անհամատեղելիության մեխանիզմների և կարգապահական վարույթների, ինչպես նաև այդ վարույթների արդյունքում ընդունված որոշումների բողոքարկման մեխանիզմների կարգավորման հետ:

Արդարադատության նախարար Գրիգոր Մինասյանը Ստրասբուրգում հանդիպել է Եվրոպայի խորհրդի գլխավոր քարտուղար Մարիա Պեյչինովիչ Բուրիչի հետ:

Քննարկվել են մարդու իրավունքների պաշտպանության և ժողովրդավարության ու օրենքի գերակայության ամրապնդման հետ կապված մի շարք հարցեր:

Գրիգոր Մինասյանն ընդգծել է, որ ՀՀ-ԵԽ 2019-2022թթ. գործողությունների ծրագիրն առանցքային գործիք է եղել Կառավարության բարեփոխումների լայնածավալ օրակարգում և ըստ, էության, անդրադարձել է արդարադատության ոլորտում ընթացող բարեփոխումների օրակարգի ողջ սպեկտրին: Միաժամանակ նախարարը կարևորել է ՀՀ-ԵԽ նոր՝ 2023-2026թթ. գործողությունների ծրագրով համատեղ շարունակական աշխատանքների իրականացումն այնպիսի կարևորագույն ոլորտներում, ինչպիսիք են դատաիրավական համակարգի հետագա բարեփոխումները, ՄԻԵԴ վճիռների կատարումը, քրեակատարողական և պրոբացիոն համակարգերի բարեփոխումները, մարդու իրավունքների պաշտպանության և գենդերային հավասարության ապահովման իրավական և ինստիտուցիոնալ շրջանակները:

Քննարկվել է Վենետիկի հանձնաժողովի հետ համագործակցությունը դատական և իրավական բարեփոխումների օրակարգի շրջանակներում: Հատուկ անդրադարձ է կատարվել

Եվրոպայի խորհրդի Կոռուպցիայի դեմ պայքարի պետությունների խմբի (ԳՐԵԿՈ) հետ կատարած լայնածավալ աշխատանքին:

Տիկին Պեյչինովիչը բարձր է գնահատել Հայաստանի վերաբերյալ գնահատման չորրորդ փուլի զեկույցի հանձնարարականների լույսի ներքո կոռուպցիայի կանխարգելման ոլորտում Հայաստանի ձեռքբերումները, ինչի արդյունքում Հայաստանը դուրս է եկել ԳՐԵԿՈ-ի գնահատման անհամապատասխանության գործընթացից:

Քննարկվել են նաև Հայաստանի կողմից ստանձնած միջազգային պարտավորությունները և ԵԽ-ի միջազգային իրավական գործիքների շրջանակներում համագործակցությունը:

Նախանշվել են առաջիկայում կայանալիք բարձրաստիճան հանդիպումներն ու միջոցառումները, ինչպես նաև ԵԽ-Հայաստան համագործակցության հեռանկարները:

Կողմերը պայմանավորվածություններ են ձեռք բերել հետագա համագործակցության ուղղություններով:

Գրիգոր Մինասյան

X

16.06.2023թ.

Հ Ա Շ Վ Ե Տ Վ ՈՒ Թ Յ ՈՒ Ն
ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը ՀՀ արդարադատության նախարարություն
2. Գործուղման մասին իրավական ակտի համարը համարը ՀՀ վարչապետի 05.06.2023թ. թիվ 613-Ա որոշում
3. Անունը, ազգանունը, զբաղեցրած պաշտոնը Գրիգոր Մինասյան, ՀՀ արդարադատության նախարար
(թվարկել՝ պատվիրակություն գործուղելու դեպքում)
4. Գործուղման վայրը ք.Ստրասբուրգ, Ֆրանսիայի Հանրապետություն
5. Գործուղման ժամկետները 2023թ. հունիսի 11-14-ը
6. Գործուղման ծախսերի ֆինանսավորման աղբյուրը՝ ՀՀ պետական բյուջե
 - 1) հրավիրող կողմի միջոցների հաշվին հատուցվող ծախսերը
(թվարկել՝ ճանապարհածախս, գիշերավարձ, օրապահիկ և այլն)

2) պետական բյուջեի միջոցների հաշվին հատուցվող ծախսերը
*(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)
 (ընդգծել ծախսերի փոխհատուցման տարբերակը)*

- ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը
- բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Գրիգոր Մինասյան	Ընդամենը (հազ. դրամ)
Ճանապարհածախս	Ավիաձառայության տեսակը (Էկոնոմ դաս, բիզնես դաս)	Էկոնոմ դաս	
	Ավիատոմսի արժեքը (դրամ)	258,612	258,6
Գիշերավարձ	Վճարը 1 օրվա համար (արտարժույթով)	133 եվրո	
	Վճարը 1 օրվա համար (դրամ)	55,344	55,3
	Օրերի քանակը	3	3
	Ընդամենը (դրամ)	166,033 (3*133€=399€*414,12դրամ=165,234 դրամ, որի 60%=99,140 դրամ 3*133€=399€*419,13դրամ=167,232 դրամ, որի 40%=66,893դրամ)	166,0
Օրապահիկ	Վճարը 1 օրվա համար (արտարժույթով)	113 եվրո	
	Վճարը 1 օրվա համար	46,795.56	46,8

	(դրամ)		
	Օրերի քանակը	4	
	Ընդամենը (դրամ)	187,182.24	187,2
Այլ ծախսեր	Հակահամաճարակային նմուշառումների վճար		
	Մուտքի արտոնագրի վճար		
	Այլ ծախսեր (Սպասարկում ՊՊ սրահում)	10,000	10,0
Ընդամենը ծախսեր (հազ. դրամ)		621,827.24	621,8

ՀԱՐԳԱՆՔՈՎ,

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝

6/16/2023

X



ՏԻԳՐԱՆ ԱՐԵՅԱՆ

Signed by: AREYAN TIGRAN 3014720305

ՏԻԳՐԱՆ ԱՐԵՅԱՆ